



Comunu de Bauladu
Comune di Bauladu

VERBALE DE DELIBERATZIONE DE SU CUSSIGIU COMUNALE

NÙMERU 26 DE SU 12/08/2019

OGETU:	VARIANTE NR. 1 DE SU PROGRAMMA TRIENNALE DE IS TRABALLOS PÙBLICOS 2019/2021 E DE SU REGISTRU ANNUALE DE IS TRABALLOS PRO SU 2019 DE SU COMUNU DE BAULADU.
---------------	--

S'annu duamìgiadeghennoe, in die dòighi de su mese de austu, a is 6 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione ordinària e pùblica, de prima cunvocatzione, su Cussìgiu Comunale in is persones de is Sennores:

Davide Corrìga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	A	Anna Matzutzi	P
Elia Zucca	P	Rita Soru	A
Carminè Consolo	P	Martina Atza	P

Cussigeris chi pigant parte: nr. 8

Cussigeris ausentes: nr. 2

Partètzipat a sa reunione su Viceegretàriu, Dott. Danilo Saba.

Su Sìndigu Dott. Davide Corrìga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, decrarat aberta sa reunione.

SU CUSSIGIU COMUNALE

Premìtidu chi:

- s'art. 21 de su D.Lgs. n. 50/2016 *"Programma de is achirimentos de is istatziones apaltantes"* previdet chi is amministratziones agiudicadoras adotent su programma triennale de is traballos pùblicos de summa istimada pari o superiore a 100.000 €, e fintzas is relativos aggiornamentos anuales, in su respetu de is documentos programmadores, in coerèntzia cun su bilantzu e is normas chi pertocant sa programatzione econòmicu-finanziària;

Bidu chi, a parre de su comma 8, de s'art. 21, de su D.Lgs. n. 50/2016 su Ministru de is infrastruturas e de is trasportos, de cuntzertu cun su Ministru de s'economia e de is finàntzias, at adotadu su decretu n. 14/2018 *"Regulamentu chi chirriat protzeduras e ischemas-tipu pro sa redatzione e sa publicatzione de su programma triennale de is traballos pùblicos, de su programma biennale pro s'achirimentu de fruniduras e servìtzios e de is relativos elencos anuales e aggiornamentos anuales"*;

Postu chi s'art. 5 de su Decretu tzitadu disponet s'adozione de s'ischema de su programma triennale e de s'elencu annuale de is traballos pùblicos propostu dae su Referente responsàbile de su programma, chi depet èssere publicadu in su profilu cummitente e s'in casu postu in consultatzione a su fine de retzire osservatzione intro 30 dies dae sa publicatzione sua;

Pigadu àutu chi cun decretu de su Sìndigu n. 6 de su 01.07.2019 est istada nominada cale Responsàbile de su servìtziu tècnicu s'Ing. Gabriella Contu e chi, in farta de dillindadu àutu chi nòminet unu referente de sa programatzione triennale de is traballos, programatzione biennale de is achistos de benes e servìtzios e de is relativos aggiornamentos anuales, tale còmpitu est a capu de issa etotu;

Pigadu àutu chi in data 24/07/2019 est istadu predispostu dae s'Ing. Gabriella Contu in calidade de Referente responsàbile de su programma, s'ischema de sa variante n. 1 a su programma triennale de is traballos pùblicos 2019 - 2021 e de s'elencu annuale de is traballos pùblicos 2019;

Bida sa deliberatzione de sa Giunta comunale n. 65 de su 24/07/2019 cun sa chi est istadu adotadu s'ischema de sa variante n. 1 de su Programma triennale de is traballos pùblicos 2019 - 2021 e de s'elencu annuale de is traballos pùblicos 2019;

Sende chi sa deliberatzione narada in antis est istada publicada in

s'Albo Pretòriu dae su 31/07/2019 in su situ internet de s'amministrazione comunale;

Cunsideradu chi si faghet netzessàriu protzedire a s'aprovatzione de sa variante n. 1 de su programma triennale de is traballos pùblicos 2019 - 2021 e de s'elencu annuale de is traballos pùblicos 2019 e ispetzificamente de is àutos chi benent in fatu:

- Cuadru de is risursas netzessàrias a sa realizatzione de su programma (ischeda A);
- Elencu de is òperas non cumpridas (ischeda B);
- Elencu de is immòbiles disponìbiles (ischeda C);
- Elencu de is interventos de su programma (Ischeda D);
- Interventos includidos in s'elencu annuale (Ischeda E);
- Elencu de is interventos presentes in s'elencu annuale de su programma triennale pretzedente e non torrados a propònere e no aviados (Ischeda F);

Rilevadu chi, pro totus is traballos prevididos in s'elencu annuale 2019 sunt istados aprovados in manera preventiva is documentos preliminares a sa progetatzione;

Rilevadu puru chi is òperas prevididas in sa variante n. 1 de su programma triennale mentovadu ammontant in manera complessiva a € 989.317,57 de fronte a is chi su bilantzu de previsione 2019 - 2021 individuau is resursas finantziàrias relativas;

Retentu duncas oportunu protzedire a s'aprovatzione de sa variante n. 1 de su programma triennale de is traballos pùblicos 2019 - 2021, de s'elencu annuale de is traballos pùblicos 2019 e de is relativas tabellas prevididas dae su D.M.; MIT n. 14/2018, cales partis integrantes e sustantziales de su provedimentu presente;

Bidos is bisos in favore in òrdine a sa regularidade tècnica e contàbile subra sa proposta de deliberatzione espressados a is sentidos de s'art. 49 de su D.Lgs. n. 267/2000 cambiamentos sutzessivos e integratziones de pare a pare dae sa Responsàbile de su Servìtziu Tènicu e de sa Responsàbile de su Servìtziu finantziàriu;

Intzertada sa regularidade e sa curretesa de su protzedimentu intreu;

DELÌBERAT

1. de approvare sa variante n. 1 de su programma triennale de is traballos pùblicos 2019/2021, s'elencu annuale 2019 e fintzas is

àutos in fatu (allegados) chi faghent parte integrante e sostanziale de sa deliberatzione presente:

- Cuadru de is risursas netzessàrias a sa realizatzione de su programma (ischeda A);
- Elencu de is òperas non cumpridas (ischeda B);
- Elencu de is immòbiles disponìbiles (ischeda C);
- Elencu de is interventos de su programma (Ischeda D);
- Interventos incluidos in s'elencu annuale (Ischeda E);
- Elencu de is interventos presentes in s'elencu annuale de su programma triennale pretzedente e non torrados a propònnere e no aviados (Ischeda F).

2. de si riservare de annànghere agiornamentos ulteriores chi si torrarent netzessàrios de sighida a sa lòmpera de bisòngios noos de programatzione.
3. de dispònnere sa publicatzione de sa deliberatzione presente in s'Albo pretòriu in lìnìa, in su situ web istitutzionale de su Comunu in sa setzione "*Amministrazione Trasparente*", in su situ de su Ministeru de is infrastruturas e de is trasportos e de s'Osservatòriu de cale a s'art.213, puru tràmite is sistemas informatizados de is regiones e de is provìntzias autònomas de cales a s'art. 29 comma 4 de su D.Lgs. n. 50/2016.
4. de dispònnere chi su documentu presente intreghet is àutos de s'ente relativos a su triennio 2019-2021.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Gabriella Contu

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Su verbale benit sutascritu gasi

Su Sindigu
F.du Dott. Davide Corrìga

Su Vicesegretàriu Comunale
F.du Dott. Danilo Saba

ATESTADU DE PUBLICATZIONE

S'atestat chi còpia de sa deliberatzione est publicada in su situ istitutzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 19/08/2019

Su Vicegretàriu Comunale
F.du Dott. Danilo Saba

Còpia cunforme a s'originale pro impreu amministrativu

Su 19/08/2019

Su Missu Notificatore
F.du Dott. Paolo Carta